





will get









ADVIS

Carr Hay

D' V N

THEOLOGIEN

SANS PASSION.

Sur plusieurs Libelles imprimez depuis peu en Allemaigne.

M. DC. XXVI.

(ase F 39



ADVIS

D'VN

THEOLOGIEN

SANS PASSION,

Sur plusieurs Libelles imprimez, depuis peu en Allemaigne.



O V T homme de Iugement & de probité, qui aura quelque cognoissance de la Loy de Dieu, sera

grandement scandalizé par tous ces Libelles diffamatoires, remplis d'iniures & farcis de calomnies, qui vien-

A ij

nent toutes les Semaines d'Allemaigne, pour décrier le Roy & les principaux Ministres de son Conseil. Les plus douces ames, & qui font profession d'vne modestie tresparticuliere, ont esté picquées de quelque ressentiment, & sont contraintes d'en tesmoigner leur desplaisir. Les Seruiteurs du Roy, & les amis de ceux qui sont mal traittez dans ces infamés écrits, ont eu le mesme zele pour leur Maistre & pour ceux qu'ils affectionnent, qu'Amei. Quelques écriuains, plustost

2. Reg. bisai auoit pour Dauid contre Se-16. emportez de passion que conduits

Et nos tela par la raison, ont pris la plume, pour Pater, fer-ruquehaud faire sentir aux estrangers que nodebile dex- strenation auoit des traicts bien ace-

spargi- rez, & que nous pouuions tirer le mus, & nofrosequitur sang de ceux qui veulent auoir le node vulnere stre. Ceux-cy sont blasmables, en ce

qu'ils sont tombez dans le vice qu'ils ont repris en autruy, & qu'ils ont entrepris d'offenser les Princes, qu'ils se sont imaginez auoir employé ces mauuais ouuriers, ou qui ont aggrée leur ouurage, ou qui en ont peu tirer des aduantages. Les hommes iudicieux,ont trouué à redire au procedé de ces railleurs. Mais encore que ie n'approuue point la façon d'écrire de ceux -la, ie ne crois pas aussi que nous soyons obligez, de nous conformer entierement à la volonté de ceux qui ont esté déchirez dans ces libelles, qu'ils estiment tellement indignes de leur indignation, que c'est leur faire desplaisir que d'y vouloir respondre ou repartir quelque chose par écrit: ce n'est pas aussi mon dessein. Mais ie veux dire en homme de bien, & en vray Chrestien (sans venirau particulier) monsentiment

A iij

touchant ces écrits, ayant iugé que i'offenserois Dieu, si ie negligeois de donner vn antidote, aux foibles Esprits qui s'empoisonnent aisement de ce qui porte le pretexte de pieté, qui croyent que tout ce qui se presente à eux auec l'habit de religion, vient de la part de Dieu, & que celuy qui prend la qualité de Theologien, est vn Ange du Ciel. Peu de personnes sont capables, de recognoistre si les passages qui sont cottez aux marges comme tirez des Liures Saincts, sont gehennez, tronçonnez, & appliquez à contre-sens : si la parole de Verité, sert au mensonge: si le flambeau de la lumiere, est employé, pour brusler: si l'Euangile de paix, est rendu trompette de guerre : si le glaiue, qui ne doit tuer que le peché, est éguisé pour assassiner les hommes: Si on doit écrire des Libelles

diffamatoires pour venger la querelle de Iesus Christ, qui dessend les calomnies: & si on peut trouuer la gloire du Sauueur du monde, dans le décry des Roys & des Prelats, qui Salu. de sont ses Images. Si le bon Saluian gub. Dei lib.4. . viuoit, il appelleroit ces crimes cou- Religiosum uerts du pretexte de piete, crimes re-scelus. ligieux, il detesteroit l'effronterie, qua credede ceux qui veulent persuader aux hanccontuignorants, qu'on peut faire pour l'honneur de Dieu, ce qui fait iniure à Dieu, & qui est condamné par sa tatisanda-Loy. Il n'y a point de sage Chrestien, ipsi in quo qui ne face ce Iugement, ny d'homme instruict en l'eschole de Iesus-ciunt. dicae Christ & de ses Apostres, qui n'aye nomen esse

Quis vn. ret vique in melia Dei progressura, esse humana cupidiciam, vt id Christo iniuriam fa-Se ob Christa facturos? O

detestabile facinus & prodigiosum! armant se ad latrocinandum (iste ad calumniandum) per Christi nomen, authorem quodammodo sui sceleris Deum faciunt : & cum interdictor & vindex malorum omnium Christus sit, dicunt se scelus quod agunt agere pro Christo.

Tertul.lib.de Ponitentia. Se laiunt quidam satis Deumhabere, si corde & animo suspiciatur, licet actu minus fiat: Itaque se saluo metu & fide peccare, hoc est salua castitate matrimonia violare, salua pietate venenum parenti temperare: Sic ergo, & ipsi salua venia in gehennam detrudentur.

appris ce que sain& Pierre & sain& D. Petrus epi-Iude nous enseignent, Que le bon stola 2. Ange ne voulut point iniurier Sacap. 2. tan, soit qu'il respectat la nature, Dominationes conqui est l'ouurage de Dieu, ou qu'il temnunt: Sectas non meruüt in- recogneut que l'iniure est indigne troducere, d'vn esprit Sainct. Ces mesmes Apoblasphemästres condamnent d'heresie, le métcs:vbi Angeli fortipris de ceux qui sont en charge emitudine of virtute cum nente, & appellent les contumelies, fint maiores, non porblasphemes, lors qu'elles attaquent tant aduerceux qui sont en quelque façon les sus se execrabile iu-Images de la Puissance, Prouidence dicium. Epistola & Sagesse de Dieu en la conduitte du B. Iudæ. monde. Ces blasphemes sont si Dominationem fperexécrables, que l'Escriture Saincte nunt, maieftatem blasnous deffend de les redire: & les Dophemant: cteurs de l'Eglise aduertissent, qu'il hi autem quacunque ne les faut ny repeter, ny supporter: ignorant, blasphemät. Que si l'homme abandonné de Dieu, Nonest ausudiciũ a eu vne langue pour les proferer, ou inferre blasvne main pour les écrire, il ne faut phemia.

pas que nous ayons des oreilles pour les escouter, ny des yeux pour les lire. Ne croyez pas aussi, que mon dessein soit de remuer toutes ces ordures abominables, ny de vous estendre icy tout ce que l'enfer a vomy de plus puant, dans vn grand nombre de Libelles infames, qui sont l'Admonitio ad Regem LVDOVICVM. Mysteria politica, Quodlibeta, Relatio proditionis Gallicana, Noua nouorum, Hymni & Panegyrici, Vita Domini Illustrissimi, Sapiens Francus, Appendix ad Catalogum, Hypodromus, Scopa, Virgidemia, Politica quastio, Discursus super famosissima quæstione, Instructio Gallobritannobataua, Ignis Fatuus: Et plusieurs autres Escrits de pareille trempe, & forgez sur mesmes enclumes.

Pour commencer ce Iugement, par les preuues que nous pouuons auoir contre les Autheurs de tous ces

Libelles, il est tres-aisé de les recognoistre par lestyle, par les lieux où ils sont imprimez, par les interests de ceux en faueur desquels ils sont faits, & par plusieurs coniectures tres-apparentes, sans vouloir mettre en euidence les pieces, que ceux qui sont plus mal traittez dans ces écrits, peuuent auoir sans s'estre mis en peine de les recouurer. On sçait bien, que ceux qui sont en quelque credit, & desquels on attend recompense ou support, trouuent assez de personnes, mesme dans les Pays plus éloignés, qui veillent à la recerche des moyens par lesquels ils peuuent acquerir les bonnes graces des hommes puissants, ou se rendre dignes de leurs bien-faits: & que pour ce suject, sans que les Ministres des Roysse tourmentent beaucoup, les lumieres de ce qu'ils veulent cognoi-

stre, leur viennent de toutes parts: Et quand le mespris leur fermeroit les portes, elles entrent par force, & auec importunité, tant chacun est soigneux de se recommander par quelque seruice, à celuy qui a part au gouuernement du public, & la commodité de faire du bien. Pour laisser donc à part, les cognoissances que le Roy & ses Ministres peuuent auoir des Autheurs de ces Infames écrits, je me contenteray d'apporter quelques indices que i'ay tiré de la lecture de ces Liurets, de quelques aduis qui sont venus du Pays qui les a enfantez, & de l'Histoire de ce qui s'est passé depuis peu. Ie diray donc, premierement qu'il est certain que tous ces Libelles ont esté imprimez en Allemaigne, asçauoir vne partie à Ausbourg, & l'autre à Ingolftad:ce qui est recogneu par le pa-

pier, par le caractere, par la vente qui en a esté faitte par les Imprimeurs de ces deux Villes aux Foires de Francfort, & par la découverte des formes & compositions, que des hommes enuoyés exprés d'icy, ont veu & recogneu. Les Autheurs ne sont pas pourtant tous Allemans: il leur faudroit pardonner s'ils vomissoiét quelques iniures estant yures : s'ils blasphemoient contre les Roys & leurs ministres, il les faudroit garroter: s'ils éguisoient des couteaux pour les offenser, il seroit expedient de casser la bouteille qui change le bon pere Liber en Hercule furieux, ou qui conuertit le ius du taisin en suc de ciguë, ou d'aconit. Mais nous ne deuons pas croire que tous ces écriuains soient sortis d'vn mesme pays: La diuersité du style fait assez paroistre que les ouurages sortent de differentes mains: & les rapports d'vn écrità l'autre, & des vieux aux nouueaux, auec les aduis certains qui ont esté enuoyez, font iuger qu'vn François desnaturé, & Monstre de nostre Nation, a composé les Quodlibeta, & l'Appendix ad Catalogum, Qu'vn Italien habitant de Flandres depuis plusieurs années, a fait My-Steria Politica, & quelques autres pieces; Qu'vn Allemand Bauarois, a dressé le reste, & nous a enuoyé vn liuret à toutes les Lunes. Ces trois hommes sont Freres de profession, animez d'vn mesme Esprit, outrez de mesme rage, & qui voudroient perdre tous ceux qu'ils ne peuuent rendre esclaues de leurs imaginations. Les memoires que l'Italien & l'Allemand reçoiuent, sont dressez à Paris: ce qui est aisé à recognoistre par les nouuelles que nous lisons

dans ces Liurets, qui sont celles des affaires qui sont arriuées deux mois auparauant. Le lieu & le bureau où ces aduis sont mis en ordre, est assez cogneu, mais la publication apporteroit tant de scandale, qu'il vaut mieux le taire que de le deceler. Les personnes qui contribuent à ce ramas, sont découuertes. Il y a des traistres à leur Roy & à leur Pays, qui s'en meslent, & pensent excuser leur crime par vn zele brutal de religion. Les deux qui recueillent le tout, sont de condition differente. Si l'yn d'eux est viuant, c'est par la clemence du Roy, & bonté de ceux qui sont calomniez par ses artifices qu'il croit estre bien secrets. L'autre se souuiendra de sa condition quand il voudra: verra peut-estre auec le temps, que Dieu aura donné sa malediction aux mauuais moyens qu'il

prend pour seruir son maistre: & que nostre nation, que cét ancien a appelle Bastiere, souffre pour vn peu la charge qu'on luy met sur le dos, mais en fin elle secoue tout. La distribution de ces beaux ouurages, se fait par quelques Libraires qui sont surpris à Franc-fort, en ce qu'on leur fait couler subtilement ces feuilles dans les liures qu'ils ont achetez. Mais la voye la plus ordinaire est, qu'ils sont portez par hommes incogneus & deguisez, qui les rendent fidellement à ceux qui ont enuoyé les memoires: & ceux-cy les distribuent à leurs confidents, desquels ils exigent serment & secret, iusques à se vouloir asseurer par le respect & la saincteté d'vn sacrement de la fidelité, & silence de ceux qui ont la curiosité de voir ces ouurages, ou la malice de contribuer au

décry, ou du Roy, ou de celuy de ses Ministres que ceste damnable cabale veut disfamer. Ce qui doit estre remarqué plus soigneusement dans ces écrits, est qu'on peut juger facilement, qu'ils sont quasi tous de l'inuention, & partent de la main de ceux qui ont proposé & poursuiuy auec tres grande chaleur, vne Ligue Catholique, qui estoit en essect vn Tiers party entre les deux grands qui sont aujourd'huy en l'Europe, lequel tendoit à lier auec la France, la Sauoye, Venise, les trois Electeurs Ecclesiastiques, Bauiere, & quelques petits Princes d'Allemaigne; pour faire vne Vnion, laquelle auroit pour visée, de ranger dans la modestie, & cantonner dans ses limites, la maison d'Austriche, d'une part; & d'un autre costé, d'exterminer les heretiques d'Allemaigne; pour faire en sorte, que

que si tous ces grands Pays estoient reduits à l'ancienne religion, par la terreur ou par la force des armes; la maison d'Austriche ne receut point les aduantages, qu'il semble qu'elle doit esperer si on n'arreste le cours de ses prosperitez en Allemaigne, & si on ne veut partager auec Elle, non seulement la gloire d'auoir ruiné les ennemis de l'Eglise, mais encore la dépoüille qu'on en pourra retirer. Ce dessein specieux en apparence, couuert du pretexte de Religion & de Prudence Politique, estoit particulierement proposé par le Duc de Bauiere, & par l'Electeur de Cologne son frere, qui faisoient leurs poursuittes par des bons Religieux, qui promettoient des merueilles de la part des Allemands, & des miracles de la part de Dieu, qui sçait tout seul si ces bonnes gents estoient

trompez, ou s'ils trompoient ceux auec lesquels ils traittoient. Les Sages auoient de la peine à se persuader, que ceste proposition fut accompagnée d'vn bon dessein pour la France, estant faitte par des estrangers, la pluspart Italiens, ou subjets du Roy d'Espagne, ou dependents de personnes qui ne peuuent conseiller qu'on arreste les progrez de la maison d'Austriche, de laquelle leurs Ordres tirent vne grande protection & assistance, la meilleure partie de leurs maisons estant dans les terres de l'obeissance du Roy d'Espagne & de l'Empèreur: Outre qu'on pouuoit à bon droict, tenir pour suspect le secours extraordinaire que le Duc de Bauiere donnoit à la maison d'Austriche, à laquelle il auoit abandonné la plus grande piece du Palatinat, qui est l'ancien heritage de ses ancestres. Ces raisons, & plusieurs autres particulieres, que nous ne sçauons pas, & quele Roy & son Conseil ont bien examiné, destournerent sa Majesté de vouloir entrer en ceste ligue, par les ouuertures que faisoient ces bons Religieux, qui sont pour l'ordinaire, assez mauuais garants aux grands Princes, desparoles qu'on leur fait porter, estants bien souuent trompez par ceux qui les enuoyent; ne pouuants donner autre satisfaction à ceux qui se trouuent surpris dans leurs negotiations, que de dire qu'on a abusé de leur simplicité; & apres ces foibles excuses, changer de pays, & se retirer dans leurs cloistres qu'ils trouuent par tout. Si les propositions qu'ils ont fait, n'ont point esté aggreées, Si leurs aduis n'ont point passe pour oracles de Dieu, duquel ils ne por-

toient point de lettres; faut-il par vn sacrilege attentat, blasphemer contre les Roys qui leur ont rendu toute sorte d'honneur, les ont écoutez patiemment, leur ont respondu auec douceur, & les ont renuoyez auec presens? Faut-il charger d'iniures, tous ceux qui ne se rencontrent pas dans nostre sentiment, & ne veulent pas faire ce que nous desirons? Qui a iamais ouy parler d'vn tel procedé entre les Princes, Que les Traittez ayant esté rompus, on vienne aux calomnies contre leurs personnes, & à disposer des Esprits forcenez à attenter à leur vie, apres les scandales que des écrits semblables à ceux que nous auons veu depuis peu, ont produit? Ce qui a rendu nostre Religion odieuse; non seulement aux heretiques, mais encore aux Turcs, & qui a fait que le nom de Dieu

a esté blasphemé parmy les enne? . mis de la vraye Eglise. Falloit-il que la coniecture, que ces Esprits furieux ont euë, que les Conseils d'vn Cardinal auoient arresté leur dessein, les transportast iusques à entassertant d'iniures, que les plus infames Sycophantes en ont horreur? Falloit-il proposer, Si vn Prince du sang de France, qui ne respand point celuy des gens de bien, feroit vn œuure aggreable à Dieu, de tuer vn Cardinal, vn Prince de l'Eglise, Euesque, & Prestre sacré, Gentilhomme de bonne maison, homme de bien, bon seruiteur du Roy, affectionné à son Pays, qui employe le peu de santé qui luy reste, brusse son sang, donne sa liberté, son Esprit, sa parole, sa plume, & tout son temps, au salut de l'Estat; à la conseruation duquel, ce Prince qu'on vou-

Ĉ iij

droit redreassassin, a vn tres-notable interest: O saincte Theologie, à quoy sers-tuaujourd'huy! A quoy te prostituent ces faux Prophetes d'Achab, &infames Docteurs de l'Antechrist? Ce peut-il bien faire, qu'estant Vierge, tu sois calumniatrice; & qu'estant Saincte, tu sois deuenuë meurtriere? Celle que ces esprits forcenez traittent, n'est pas ceste fille de Dieu & science des Saincts que nous trouuons dans la Bible, dans l'interpretation de l'Eglise, dans les escrits des Peres, & dans les Conciles generaux: c'est plustost un art diabolique, qui se sert comme fait la magie, des paroles Sacrées, pour piper les ignorants, & animer les furieux. Mais encore faut-il sçauoir, ce que ces Autheurs se proposent, lors qu'ils se donnent la peine de salir le papier, & le couurir d'iniures. Mon jugement est, qu'ils

ont projetté en premier lieu, de faire cognoistre à tous ceux qui adjousteront quelque croyance à leurs
escrits, que la Ligue qu'ils ont appellée, Catholique, estoit vne chose saincte, que nous auons méprisée pour
soustenir nos antiens Alliez, Catholiques & Protestans. Ainsi ces bonnes gens, se mettent en cholere contre ceux qui ne se veulent point laisser tromper. Ainsi Fimbria eust l'effronterie, de faire appeller en Iustice,
celuy qui auoit destourné le corps
pour esquiuer le coup qu'il luy vouloit donner.

En second lieu, ces Escriuains se proposent ce que iamais homme de bien n'eust en visée, qui est la dissamation & décry du Roy & de son Conseil, ayant recours aux armes des esprits imbecilles & fols, qui sont les contumelies & injures ausquelles ils adioustent les impostures & calomnies, pour armer s'ils pouuoient, quelque homme foible d'esprit, contre l'Oinct de Dieu, & vn Prelat sacré; ou pour exciter quelque sousleuement, en diuisant les Peuples par la contrarieté des opinions, ou en les mutinant par le mépris du Souuerain, & par la haine des Ministres de l'Estat, qu'ils voudroient aussi partager s'ils pouuoient, en y mettant la deffiance, & quant & quant la desvnion. C'est à quoy ils s'estudient principalement, & à faire jouer tous les resforts de leur secrette cabale, pour auoir yn conseil à leur deuotion & phantasie, qui allume le seu au dedans du Royaume cependant qu'on prend nos dehors, & que nos ennemis nous enuironnent de tous costez par les armes. Les plumes de leurs escriuains trauaillent parmy nous

nous au décry des Parlements, de la Sorbonne, & des plus fidelles seruiteurs du Roy; pour faire que leur ruine serue au bastiment de l'Empire vniuersel qu'ils ont projetté. Mais ce qui destruit toutes ces imaginations, dans l'opinion de ceux qui ont tant soit peu de jugement, est, Que chacun cognoit que ce sont nos ennemis, qui se messent de nous conseiller, & que les loups nous promettent amitié, si nous voulons consentir à l'éloignement de nos chiens.

En troisième lieu, ces Escriuains malins se proposent d'affliger ceux qui sont sidelles au Roy, & de les décourager s'ils pouvoient. Et encore que leur generosité & le témoignage de leur conscience les portent à mépriser l'aboy de ces clabauds, & qu'ils sçachent bien que ces inuectiues ne laissent aucune mauvaise im-

pression dans les esprits forts, qui sont ceux ausquels les gens de bien se sont proposez de plaire apres Dieu; Si est-ce que ces composeurs de Libelles, qui monstrent qu'ils ont mis le nez dans l'Escriture Saincte (pour en abuser) sçauent bien qu'elle a dit, que la calomnie trouble le Sage, ou donne le Vertigo au sage, & luy rauir la force de son cœur; Qu'elle trouble le repos des ames les plus fortes, les arreste au milieu de leur course, & leur fait perdre haleine. Et à la verité, la reputation & l'honneur estant les aliments de la Vertu, il ne faut pas s'estonner si elle deuient plus foible, lors que non seulement elle ne reçoit point sa nourriture, mais qu'au contraire on luy donne le poison de l'iniure & du Psal.118. mépris. Dauid estoit fort genereux: cependant il demande à Dieu, qu'il

Eccl. 7.

le deliure des calomnies des hommes, s'il veut qu'il garde ses Commandements: Et Salomon aduouë, Prou.28. que lors que le calomniateur du sang de l'ame, c'est à dire, de la vie ou de l'honneur, se retire dans vn lac, dans vn lieu fort, où il est caché, & d'où on ne le peut tirer aisément, personne ne le peut souffrir: Qui sera donc l'homme sage, qui pourra supporter auec la patience Chrestienne, & prudence morale, ces médisants, qui sont sous la protection de quelques Princes (que nous voulons croire auoir ignoré leurs entreprises) qui sont mussez dans vn Cloiître, déguisés sous des noms empruntez, & ayants sur le visage le masque de la Religion, qu'ils prostituent sur le plus infame Theatre qui aye iamais esté dressé à l'impieté? le confesse que tous ces ramas

d'impostures & de blasphemes, seroient capables de rauir le repos à toute ame qui ne seroit point de la trempe de celle qui est attaquée, à laquelle la naissance a donné vn grand courage. L'éducation & l'estude des Lettres, ont enseigné le mépris de ces ordures : la parfaicte cognoissance de la loy de Dieu, a persuadé le pardon: & la rare prudence, a fait cognoistre ce que disoit cét ancien, que cet vn priuilege des Roys, d'estre blasmé apres auoir bien-fait : les hommes royaux, ne desirent pas estre mieux traittez que leurs Maistres. Ils sçauent que les maledictions des meschants, se rencontrent pour l'ordinaire auec les benedictions des gens de bien. Ils font les choses bonnes, pour satisfaire à Dieu & à leur conscience. Si en s'acquittants de ces deuoirs, ils font mespri-

sez & injuriez par les ennemis du Maistre & de l'Estat qu'ils Teruent; ces blasmes, sont des louanges, & les diffamations, des Eloges d'honneur. Tant s'en faut donc, que l'homme sage s'afflige ou quitte le chemin qu'il a pris; qu'au contraire il se réjouit, de ce que le public recognoit qu'il n'aggrée point à ceux qui le pourroient faire soupçonner de trahison, s'ils approuuoient ses conseils. Il croit fermement, que les resolutions qu'il prend, sont sainctes & bonnes, puis que les ennemis de son Roy & de son Pays l'en voudroient destourner; & que se voyants hors de puissance de l'en diuertir, ils le poursuiuent auec injures, qui font cognoistre la sagesse de celuy qui les mesprise, & la folie de celuy qui les escrit.

Nous souffririons auec plus de pa-D iii tience les traicts de la malice & effronterie de ces escriuains, s'ils n'auoient entrepris que de noircir les Conseillers de nostre Roy, & si quelque reste de pudeur & de crainte de Dieu, leur eust fait espargner son Oinct. Hommes fans raison, Chrestiens sans conscience, Theologiens sans science de Dieu, Prestres sanguinaires, Religieux sans religion; Si la manie qui yous possede, donne quelque relasche à vostre Esprit melancolique & reprouué, comme ce-1 luy de Saül, & que pour vn moment vous puissiez recognoistre la saincteté de Dauid; voyez qu'apres auoir taché de percer auec la lance de vostre médisance ce Prince innocent, vous l'auez par vn vain effort, rompuë contre la muraille, & n'auez fait paroistre que vostre rage. Nostre Roy, que vous calomniez

comme fauteur & protecteur des heretiques, est celuy de tous les Princes Chrestiens, qui les a poursuiuis plus viuement. Nostre Roy, que vous appellez par tout, deserteur de la cause de Dieu, est celuy qui leur a osté les biens des Ecclesiastiques qu'ils possedoient en Bearn, & les a rendus aux Euesques, aux Abbez & aux Prieurs. Qui arestably l'exercice de la Religion Catholique en plusieurs lieux d'où elle auoit esté bannie cinquante ans. Qui a fait en sorte, qu'il n'y a pas vne Ville, ny vn Bourg de son Royaume, où la saincte Messe ne soit celebrée. Qui a esté veu aux processions solemnelles, qui ont esté faittes pour remettre le Sainct Sacrement dans les temples qui auoient esté pollus. Qui a ruiné les Seminaires des Ministres, en leur ostant les rentes qui les entre-

tenoient. Qui a renuerse l'authorité d'vn Parlement, composé de personnes de religion contraire à la nostre, & en a estably des Catholiques. Qui a mis entre ses mains les places les plus importantes, & entre autres, Nauarrins, qui estoit la Citadelle & l'Arfenac d'vn Pays, que la situation, & la valeur des hommes qu'il porte, auoient fait croire imprenable. Nostre Roy, contre lequel vous blasphemez, est celuy qui apres s'estre asseuré de ce que les heretiques tenoient en la Prouince la plus éloignée du lieu de son sejour ordinaire, a trauaillé aux moyens de reduire dans l'obeyssance entiere ce qui estoit plus proche. Il a selon le commandement de Dieu, les loix de l'humanité, & prattique de tous les bons Roys, mais principalement des nostres, taché de faire cognoiftre

stre, à ceux qui s'assembloient contre ses volontez, que ceste entreprise luy déplaisoit. Ayant veu leur obstination, & sçeu les menées qu'ils faisoient dans son Estat, a assemblé ses forces, dressé plusieurs armées, est allé dans la principale en personne, a retiré les places qui pouuoient fauoriser les passages & l'vnion des rebelles, en a rachetté quelques vnes, ayant creu que ses Finances deuoient estre moins espargnées, que le sang de ses subiets. A attaqué & battu celles qui ont resisté. Apres les auoir forcées, ou reduittes à se rendre, a par sa bonté Royale, à l'imitation de Dieu, donné la vie aux corps, pour donner loisir aux esprits de recognoistre leur erreur. En a fait ruiner quelques vnes des plus criminelles, & a chastié seuerement ceux qui auoient esté autheurs de rebellion, pour faire sentir la pesanteur de sa main de Iustice, à ceux qui auoient resusé la regle de son Sceptre; & pour apporter quelque terreur de sa puissance, à ceux qui persistoient dans leur opiniastreté.

Enfin, MESSIEVRS, nostre Roy, que vous dittes auoir espargné les heretiques, est celuy, Qui leur a osté deux cents places, Qui les a battus en cent rencontres par la terre, Qui les a deffaicts en personne dans les marais tremblants, & deux fois sur la mer en bataille rangée. Qui a employé les Vaisseaux de ses Alliez Protestants contre leurs confreres, (ce que vous ne blasmez pas) Qui a dépensé plus de deux cents millions, pour les renger à la raison, Qui a entretenu sept armées, Qui à perdu plus de Princes, d'Officiers de sa Couronne & de sa maison, plus de bra-

ues Seigneurs, Vaillants Capitaines, & de Soldars courageux; que Sainct Louys n'en laissa aux deux voyages de Palestine & d'Affrique. C'est ce Roy, qui estant aux tranchées & aux attaques, a veu des hommes tuez & blessez aupres de luy. C'est ce Roy, qui a veu mourir de pourpre, de dissenterie & de Peste, quasi tous ceux qui estoient ordinairement à ses costez. C'est ce Roy, qui a esté luy+ mesme en grand danger d'estre emporté par vne maladie violente, si la fidelité & l'industrie de ceux qui ont, soin de sa santé, n'eust coupé chemin au mal qui commençoit de paroistre. C'est ce Roy, qui auoit veu l'année auparauant Monsieur son Frere vnique qui l'auoit accompagné, reduit à l'extremité; & luy, à la veille de perdre son bras droict, & le meilleur appuy de sa Couronne. 🕖

E ij

En ce temps-la, & durant que le Roy & Monsieur son Frere ontesté dans tous ces dangers, en quel accefsoire estoit ceste grande Reyne, laquelle n'est pas exempte de vos atteintes, encore qu'elle soit la plus vertueuse des Princesses, & la plus glorieuse des Meres. Celle qui void aujourd'huy, ou son sang, ou ses alliances, dans les plus hauts Throsnes de l'Europe, s'est veuë à la veille d'estre la plus affligée de la terre, lors que tout ce qu'elle a de plus cher en ce monde, estoit dans les perils que les infections des armées, les hasards de la guerre, les desseins des meschants, & la furie des hommes deselperez, peuuent faire encourir aux grands Princes. Elle est maintenant la premiere dans les Conseils du Roy, comme elle est la premiere dans ses interests & en veritable affection. Vous osez la blasmer, Meschans, & ne vous contentez pas de l'auoir iettée dans la viduité par vos escrits meurtriers: mais vous la voudriez precipiter si vous pouuiez, dans vne miserable orbité, par les derniers que vous auez publiez. Vous taschez de donner de la deffiance au Roy de ses aduis: mais il est trop iudicieux, pour douter iamais, de la fidelité des Conseils qui viennent de celle qui a plus de part que personne du monde à son bien & à son mal. Tous les François, & les amis de nostre Nation, seront toujours tres-aises, de voir vn Estat successif comme est le nostre, c'est à à dire, qui ne se maintient que par la conservation du sang Royal; estre conseillé, par celle qui ne peut mespriser le salut de ceux sur lesquels nostre seureté est fondée; principale-

E iij

ment si le vice n'a rien alteré en la bonté & force de la nature, laquelle est en cette Princesse, non seulement dans sa perfection, mais grandement aidée par les graces extror-

dinaires que Dieu luy fait.

Despoüillés-vous de passion & d'interest, si vous pouuez, Escriuains forcenés, ennemis de la personne du meilleur Roy de la terre, enuieux de la gloire du plus grand Prince Chrestien, & ialoux de l'hôneur de la plus Religieuse nation du monde. Recognoissez que ce Roy tres-vertueux, que vos plumes médisantes ont attaqué, ne peut negliger la conseruation de l'Eglise, & auoir perdu l'affection que vous sçauez qu'il a eu pour elle, qu'il n'aye abandonné Dieu, deuant que de quitter le soin de son Espouse, & qu'il n'aye en ses mœurs irrité la Majesté diuine iusques à ce point,

qu'elle aye retiré l'affistace qu'elle luy donnoit, lors qu'il exposoit sa Personne, ses plus florissantes années, sa Noblesse, se finances, & hasardoit son Estat pour chastier ceux qui dés long-temps estoient ennemis de la vraye Religion, & dépuis peu estoiét deuenus les siens. Mais où remarque. rez-vous, Messieurs, ce changement d'vne vie la plus exemplaire que iamais Roy Chrestien aye fait, à vne plus licentieuse? Apprenez-vous, que la puissance le porte à rauir la fille ou la femme d'autruy, ou que ses threfors ayent seruy pour les corrompre en son aage, en sa vigueur, auec les obiects & la facilité des moyens qu'il a pour en joüir?C'est vn témoignage qu'il est retenu par la seule crainte de Dieu, qu'il semble (si on vous croyoit) auoir déja rénié, luy qui l'adore le plus sincerement que Prince de la terre, & qui frequente les Sacrements auec plus de sentiment de pieté & de respect. Luy qui a banny de son Cœur & de sa Cour, tout ce qu'il a iugé pouuoir déplaire à Dieu; Qui a exterminé les blasphemes, & qui a fait cesser le scandale de ses abominables duëls, que toute la Chrestienté croyoit estre sans remede.

Mais il donne secours à ses Alliez,

& entre ceux-la, à quelques Protestants qui ont assisté le feu Roy son Pere, & qui couuret ses Estats. Doiton croire plustost à vostre Theologie nouuelle, partisanne des Princes que vous seruez, ou à l'ancienne Fortitudo & desinteressée de saince Ambroise, qua perbella tuetur ab qui nous dit, Que la puissance qui hoslibus patriam, aut dessend par les armes, les subjets, les domi deffendit infir-foibles & les Alliez, est réplie de Iuinos, aut à stice? C'est vn excellent Theologien, Jocios, plena qui sçauoit bien iusques à quel point

D. Am-

brolius

1. off.

latronitus

point l'Euangile regloit la societé; & vn tres-grand Iurisconsulte, qui n'estoit pas ignorant de ce que nous deuons comme hommes, à ceux auec lesquels nous auons alliance, & à nous mesmes, pour fuir le mal qui nous menace. Le Roy deffend ses Estars, lors qu'il desfend ses dehors: n'estant plus temps de courir aux armes, lors que la contrescarpe est gaignée, & le fossé percé; mais de prendre vne plume, pour signer vne infame capitulation. Le Roy protege les foibles, il garde les Loix de l'humanité, il y ajouste celles de la pieté, lors qu'il fait entrer dans les Traittez, des conditions auantageuses à la liberté de la Religion Catholique, que les Princes que vous soustenez, ne leur auoient osé ou voulu Seneca. proposer. Le Roy rend à ses Alliez ce sium est redqu'ils luy ont presté. La Loy de Iesus-dere que qu'ils luy ont presté. La Loy de Iesus-dere que

Tertull. in Christ, ne nous enseigne point l'innax agoras gratitude, & ne destruit pas, mais
bossi deposi. gratitude, & ne destruit pas, mais
tum dene-perfectionne la nature. Vous vougauit Christianus, etià lez que nous reprenions les armes
extra side-pour acheuer ce qui a esté bien adlis vocatur pour acheuer ce qui a esté bien ad-

uancé: mais vous estes nos ennemis qui nous conseillez de nous battre. Mais vous nous iniuriez, au lieu de nous exhorter: Mais vous mentez pour nous persuader : mais vous ne Îçauez pas, si nous prattiquons des meilleurs moyens, que ceux que vous mettez en auant, pour auoir les ames sans tuer les corps, & estre maistres des Villes sans y entrer par la bresche. Si vous auez desiré auec tant d'ardeur, de voir tous les Heretiques de France entierement abbatus, que n'aués-vous conseillé aux Princes qui vous écoutent, de ne troubler point nos poursuittes par la surprise des Pays & des Villes qui sont en nostre

protection, par l'oppression de nos Alliez, & par la ruïne des voisins qui nous seruent de rampart? Vous deuiez presumer, que ces entreprises nous pourroient diuertir, que les Princes & Estats Catholiques, qui ont vn mesme interest auec nous, nous conseilleroient la paix du dedans, pour courir au dehors; & que nous recognoistrions, qu'il est plus necessaire de pouruoir au salut de tout le corps, que de s'arrester à penser vn membre qui demeuroit vny, non par vn traitté de paix (comme vous croyez & criez) mais par vn pardon, qui partoit non seulement de la clemence, mais encore de la prudence de nostre Roy. Iene diray pas Que les Princes que vous fauorisez, se sont seruis des armes des Protestants, pour attaquer les places des Princes Catholiques, Que leurs armeés ont esté coposées de Capitaines & Soldats de differentes Religions, lesquelles ont eu l'exercice libre & public de leur impieté, là où dans nostre camp on n'a point ouy les voix des Ministres de l'erreur; le passeray sous silence, que Riua a esté dessendu par vn Lutherien, & que la Valtelinea esté liurée par vn Caluiniste. Nous faisons profession d'une modestie plus particuliere que vous ne faites, & croyons que les actions de nostre Roy, sont si bonnes &, si fainctes, que nous n'auons pas besoin de les releuer par les fautes des autres Princes (s'il y en peut auoir en eux, ce que nous n'entreprenons pas de publier) nous prions Dieu pour la conservation de leurs personnes, nous les honorons comme Images de la puissance de Dieu; nous ne sommes pas marris que leurs subiets ayent bonne opinion de leur vertu & de leur gouvernement, & que Dieu benisse leurs iustes desseins. Nous desirons tous ces aduantages, principalement à ceux qui ont l'honneur d'estre parents ou alliez proches de nostre Roy, que nous sça+ uons estre bon, Pieux, Iuste, Prudent & bien conseillé. Nous ne changerons point de croyance quand vous couuririez toutela terre de vos impostures & calomnies: Et quand les fumées de vostre sang brussé & pourry, infecteroit tout l'air, cela ne peut empoisonner les ames vrayement Chrestiennes & Françoises, ne peut salir que vostre reputation, fairemépriser vostre profession, & rendre ridicules les boutades de vostre passion.

Apres le Roy, celuy que vos plumes sanglantes ont le plus viuement

attaqué, est vne personne d'eminente condition en l'Eglise, & tres-considerable en nostre Estat. Mais de grace, Messieurs, que trouuez-vous à redire, en celuy que vous chargez de tant de crimes, que c'est merueille (si on croità vos liures) comment la terre le peut soustenir, encore qu'il aye plus d'esprit que de corps? Estce vn homme tiré de la lie du peuple, comme les Cardinaux d'Hiorc & de Clezel, aufquels vos Quolibets l'ont comparé? Est-ce vne personne fans recommandation & fans merite, qui a forcé les destinées pour arriuer à la pourpre sacrée, & à la croyance qu'il a acquis aupres d'vn grand Roy, & d'vne grande Reyne? Ou plustost, si c'est vn Gentil-homme de tres ancienne race, sorty d'vn Pere qui a esté vn des premiers officiers denos Roys, & d'vne Mere, la-

quelle par le rapport de tous ceux qui l'ont cogneue, estoit vne perle de vertu & d'honneur? Vous ne trouuerez pas que le Fils aye degeneré, si vous prenez la peine de vous enquerir de sa vie. Vous apprendrez au contraire, qu'ayant esté destiné à l'Eglise, il a esté picqué d'une saincte ambition, d'acquerir toutes les perfections qui sont necessaires, pour faire vn grand Prelat. Et encore que l'Episcopat luy fut asseuré, il a fait tout ce qu'on prattiquoit anciennement, pour l'emporter par la capacité & par les bonnes mœurs. La Sorbonne l'a veu & ouy sur ses bancs, deffendant & attaquant auec grand applaudissement. Rome l'a admiré dans l'exercice des Lettres. Le Pape Paul V. a voulu que son Sacre deuançast l'âge qu'on doit attendre pour le receuoir, parce que la scien+

ce & la sagesse auoient preuenu les années. Paris & son Diocese, ont ouy auec approbation, ses predications remplies de pieté, de doctrine & d'eloquence. Toutes les Eglises de France, ont enseigné les Instructions Chrestiennes qu'il a dressé pour ses Diocesains. Les Catholiques ont leu auec contentement, les Liures qu'il a faits pour la dessense de nostre Religion, contre les plus mauuais de tous les heretiques: Et ceux-cy ont veu auec regret, que la plume de cest aigle, deuoroit toutes celles de leurs corbeaux. Il s'est toujours signalé dans les Assemblées du Clergé, & sur tout aux Estats generaux du Royaume, par lesquels il a esté choisy pour porter les paroles les plus genereuses, & faire les actions les plus solemnelles. La Reyne Mere du Roy, a remarqué en luy tous

tous ces aduantages; & les Conseils qu'il luy a donnez, sont maintenant approuuez, quoy qu'en certain temps ils ayent esté condamnez temerairement par les ignorans; ou malicieusement calomniez par ceux qui vouloient mettre le feu là où il vouloit apporter de l'eau. Les affaires qui sont arriuez du depuis,ont fait cognoistre sa patience, sa modestic, fon courage & sa conduitte. Le Roy a remarqué dans tous les rencontres passez, qu'il auoit toutes ces bonnes qualitez: & l'ayant trouué dans le merite& dans le chemin qui le conduisoient au Cardinalat, a vouluqu'il fut honoré de ceste dignité. Il l'a du depuis approché de sa personne, & appelle dans son Conseil plus estroit, encore que le bon naturel de sa Majesté & celuy de la Reyne sa Mere, n'avent point d'autre lien,

que celuy du meilleur & plus pur sang de l'Europe. Cependant leurs Majestez sont tres-aises, que la confiance qu'elles prennent en leur seruiteur commun, soit vn tesmoignage à la France & à toute la Chrestienté, de la parfaicte Vnion qui est entre le Fils & la Mere, & qui sera tousiours conseruée par la grace de Dieu, qui confondra par ce moyen les estrangers ennemis de cét Estat, & dissipera toutes les brouilleries de la Cour & du Royaume. Considerez sans interest & sans passion, ce que celuy que vous calomniez, a fair depuis qu'il a pleu au Roy de se seruir de ses Conseils. Si vos espions & vos compilateurs de memoires,n'estoient point preneurs de hayne ou d'enuie, aussi bien que vous l'estes de rage & de dessein contraire au bien de nostre Estat; vous trouueriez que

l'auarice, qui est le puissant genie de ce siecle corrompu, & qui aueugle les Esprits des hommes infidelles, n'a point eu de pouuoir sur le sien, qui a seruy sans appointemens qu'il n'a ny demandé, ny desiré. Que ce que nous appellons, griuelerie, n'a iamais eu entrée dans son cœur, ny dans sa maison, qui est des mieux reglées de l'Europe. La recherche des Financiers n'a point enflé sa bourse, & son integrité n'a peu estre corrompuë par vne pluye d'or. Celuy qui ne court point apres ce metal, est iugé digne de louange, & a fait des merueilles au rapport du Sage. Pourquoy donc le blasmez-vous tant? Il a vingt-quatre mil escus de rente en benefices, il en auoit vingt il y a trois ans lors qu'il est entré aux affaires. Si vous croyez que ce soit trop, sa Majesté iuge que c'est trop peu,&

Gij

voudroit auoir eu des occasios meilleures pour le mettre en estat de supporter les excessiues despenses qu'il est contraint de faire pour son seruice. Sa condition & son merite luy donnent fort bonne part, aux biens qui appartiennent à l'Eglise. Les recompenses de ceste nature n'épuisent point les tresors publics, elles ne -sont point tirées du sang du peuple, elles sont necessaires à ceux qui les employent magnifiquement, pour apporter quelque lustre à la dignité qu'ils possedent en l'Eglise & en l'Estar, & pour donner aux estrangers bonne opinion de la grandeur des Maistres qu'ils seruent. Mais ce ne seroit pas assez, que la generosité eust affranchy de la tyrannie de l'auarice, celuy que vous calomniez, si l'imprudence l'auoit ietté dans la prodigalité, jou si la volupté audit abandonné son bien à la recompense de ses plaisirs. Et comment pourroit estre mangé par les delices, celuy qui est deuoré par les affaires, par les veilles, & par vn Esprit qui est vn feu Eternel, qui agit sans cesse, & qui n'a pour but, que la Gloire du Roy, & la reputation de bien faire? Il n'est pas seulement exempt de ce crime, mais il est hors du soupçon, aussi bien que de celuy de la trahison de son Maistre & de son Pays. Et ie n'en veux point de meilleur tesmoignage, que celuy de vostre blasme, qu'il n'auroit iamais encouru, s'il eust esté meilleur Espagnol ou Bauarois, que François, & si la qualité de Cardinal l'eust porté à se relascher en quelque chose, des droicts de la France; ou si les intetests de la France, & les affaires qui se sont presentées depuis peu; luy auoient fait oublier le respect

qu'il doit & qu'il a tousiours rendu au Sainct Siege. Vous luy imputez à crime, la paix de ce Royaume, & dittes qu'il l'a conseillée. C'est ce que non seulement il doit confesser, mais dequoy il se doit glorifier. Par ses aduis, les Rebelles ont esté humiliez & par terre & par mer. Par sa conduitte, les armes des estrangers ont seruy pour combattre leurs confreres. Les brouillons ont esté contraints de demander la paix, & l'ont receuë auec des conditions, que les guerres precedentes n'auoient sçeu faire accepter. Les affaires qui se preparoient dans le Royaume, & les entreprises de ceux desquels vous estes partisans, n'ont peu permettre qu'on poussast les choses plus auant sans hasarder le tout pour vnepartie. Les raisons qui ont porté le Roy & ses Ministres, à prendre des reso4

lutions de paix, vous sont incognuës, & ne vous doiuent point estre dittes. Que ne louez-vous nostre Conseil pour le bien qu'il a fait, si vous auez enuie de luy donner courage d'acheuer, plustost que de le blasmer de ce qui est demeuré imparfaiet, pour des considerations que vostre passion & vostre interest, ne vous permettent pas de penetrer ny d'approuuer? Puisque vous prenez le nom de Theologiens, pourquoy ne prattiquez vous la maxime in Apode Tertullien, qui vous enseigne logetico. qu'il est mieux seant à vn Chrestien, de manifede bieniuger des choses cachées par fis occulto les apparentes, que de condamner quam de ocles euidentes par les occultes? Nous nifesta pravoyons bien que vos ramasseurs de damnare. memoires, vous ont aduerty de ce qui s'est passé chez nous, depuis que nous auons retiré nos armes d'Ita-

lie, ce que vous ne reprenez pas: & depuis la paix que le Roy a donné à ses subiets, qui est ce que vous detestez tant. Par tout nous remarquons, que vostre malice s'afflige, dece que nous auons découuert les menées qui nous alloient ietter dans des grandes confusions, si la preuoyance & le courage de celuy duquel. vous ne pouuez supporter les bonnes actions, n'eussent beaucoup contribué, pour couper la racine au makqui croissoit tous les jours, & que les cabales que vous fomentez parmy nous, auoient grandement auancé pour nous plonger dans les desordres qui vous euffent donné le loisir d'acheuer l'ouurage que vous auez comence, & le moyé d'auoir bo marché de nous, quand nous serions affoiblis par des guerres intestines. En tout ce qui s'est passé, Celuy qui est la burte

butte de vos impostures, n'a rien eu que du déplaisir, s'est expose à beaucoup de dangers, & a acquis parmy les gens de bien, la reputation d'auoir dissipé courageusement vn grand orage, ayant preferé le seruice de son Maistre à tous ses interests, & à l'inimitié de ceux qui ont eu quelque part, dans les conspirations qu'il vous fasche de voir estouffées. Trouuerez-vous point à redire, sur ce que le Roy a voulumettre le Haure entre ses mains. Vous le ferez sans doute, si enuieux de la gloire de la France, vous estimez que le premier des Roys de la terre, doiue estre le moins consideré sur la mer; & si vous croyez que ce Royaume abondant en toutes choses necessaires à la vie humaine, doiue pour quelques accessoires, dépendre des autres qui ne sçauroient se passer de luy. Le com-

merce de France estoit ruiné, les subjets du Roy estoient & sont encore vollez par les moindres Pyrates, quatre mille esclaues emmenez par les infideles, plus de cent vaisseaux pris ou coulez à fonds ou brussez : Plusieurs milliers de familles reduittes à la mendicité, ont esmeu la compassion d'vn Roy trop bon, trop iuste, & trop genereux pour souffrir telles iniures, qui en amoindrissant le nombre & les biens de son peuple, diminuoient sa puissance & sa reputation. Il a pris refolution de remedier à rous ces maux: Pour le faire, qui pouuoit estre mieux employé, qu'vne personne d'authorité, de courage & tellement desinteressée, qu'il n'y a point d'homme auquel ses déportemens soiét cognus, qui ne fçache, qu'il fait plus de cas d'vne once de gloire, que de cent mille liures d'or? Il l'a témoigné en toutes occasions; mais principalement en ceste-cy. Car si le Roy veut qu'il aye le soin des affaires de la Mer, il en reçoit la seule charge, sans prendre le soulagement des gages & appointements. Au lieu qu'aux establissements nouueaux, il y a nouuelles dépenses; En celuy-cy, il y aépargne de plus de cent mille liures par an affectées à l'Admirauté, dont l'extinction estoit dés long temps desirée par tous les Marchants. Ie ne diray point l'auantage que reçoit sa Majesté, d'auoir par ceste suppression, la liberté de faire commander ses armées Nauales par qui bon luy semblera, au licu qu'auparauant le commandement estoit attaché à ceste charge. Si quelque place maritime est necessaire, pour establir des compagnies pour le trafic, pour asseurer les costes & rendre le commerce plus seur, les deniers qui sont employez pour la retirer, sortent de la bourse de celuy auquel le Roy la confie. Il vend son bien particulier, pour les interests publics, ayant supplié tres-humble ment sa Majesté, de vouloir retenir pour vn autre temps, les effets de la liberalité qu'elle vouloit luy faire ressentir presentement, en ayant vsé de la sorte quand elle la pressé de prendre vingt mil escus de pension extrordinaire. En fin, Messievrs, tout ce que vous auancez, est de rendre plus glorieux celuy que vous entreprenez de diffamer, & de publier par tout vostre infamie. Nous tenons pour gens de bien, ceux qui ne le sont pas en vostre opinion; & receuons vos Libelles diffamatoires, pour des Panegyriques de leur vertu. Le Soldat qui pensoit tuer

Phereus, luy donna la vie. Et vous publiez les louanges, de celuy auquel vous auez entrepris de rauir l'honneur, qu'il auroit perdu s'il vous aggreoit. C'est vne preuue tres-certaine, qu'il n'est point traistre à son Maistre, puis qu'il n'est point aggreable au vostre: & qu'il est tres-fidelle à l'Eglise, puis qu'il n'est pas das la croyace que vostre Theologie enseigne, qui ne peut estre celle de Iesus Christ, qui vous dit, Vous ne sçauez Luc. 9. de quel esprit vous estes. Celuy de violence, de médisance & de calomnie, ne peut estre celuy de la Loy de grace, n'estant pas mesmes l'esprit des hommes, mais des diables. Ie ne suisanimé que de celuy de la charité Chrestienne, lors que ie vous coniure de peser la doctrine du Fils de Matth.s. Dieu; qui nous asseure, que pour les injures les plus legeres, on doit estre

H iij

appellé en jugement: & pour les attroces, condamné à souffrir le feu. Que meritez-vous donc d'auoir publié en langage entendu par toute la Chrestienté, des inuectiues horribles, & des calomnies detestables, contrevne personne qui est en eminente dignité dans l'Église, & dans vn employ honorable aupres du Roy Tres-Chrestien? Que deuezvous à la justice de Dieu, pour repa-Leuit. & ration de ce crime? La Loy de Moyse vous condamneroit apres auoir demandé pardon, à l'amende d'vn Sacrifice. Mais comment, estants Prestres, osez-vous offrir celuy de la Saincte Messe, & vous presenter à l'Autel à la sortie de vostre estude, oud'vn pouesse dans lequel vous auez vomy tant d'iniures, & couché tant d'impostures sur le papier? Ne sçauez-vous pas que les calomnies de Marie, sirent retirer la nuée qui de-Num. 12 l'Acendoit sur le Tabernacle, & frap-cessis quae perent de ladrerie, ceste semme rat superta bernaculi, médisante? Croyez-vous apres cét ésecce Maria apparuis exemple, que la grace de Dieu puis-candens les se découler sur vos offrandes? Et ne pra quas se se découler sur vos offrandes? Et ne nix.

craignez-vous point que vos ames deuenuës ladresses, ne perdent les sentiments de la vraye pieté, & ceux de la synderese, que vous n'auez déja plus, si vous croyez auoir bien fait? Et voulez-vous faire passer les saillies de vos passions, pour des Eslans, qui sont poussez par vn sainct zele? Vous imaginez-vous, que tous les hommes de Lettres, & les Theologiens qui ne sont point dans l'aueuglement où vous estes, ne voyent pas, que non seulement vous estes en phrenesie, mais encore en erreur qui ne vous peut permettre d'écouter la leçon que vous fait vn grand Apostre, qui

Iac. 3. vous dit, Si vostre zele est remply d'a-Tum amari mertume, & si l'esprit de contention habetis, babells, vous a saiss, ne vous glorisiez point, tiones sint & ne mentez pas contre toute verité: in cordibus vestris, noli- car cette sagesse pretenduë, n'est pas të gloriari, & medaces celle qui vient d'en-haut, enuoyée esse aduer-ju venia- par le Pere des lumieres: mais elle est te:non enim terrestre, brutale, diabolique : Par pientia, qua tout où se trouve le zele & la contena e ur um a descendes tio, là est l'incostance & toute action à taire lu-n inum, sed mauuaise: Mais la sagesse qui vient te. rena, ani- d'en-haut, est premierement pudimalis, diaque, & apres pacifique, modeste, 1. Cor. 3. qui écoute la raison, &c. Et S. Grecum sit in-goire & S. Thomas qui nous enseilus, é con- gnent, que la discretion du sainct zetentio, non- le, que nous auons pour la querelle estis, & se- de Dieu, doit toujours brusser dans cundum hominem am- l'huile de la misericorde, qui ne se bulatis, &c. Nonne ho- peut trouuer dans vos iniures, ny mines estis. Greg. in Ezech. D. Thom. de erud. Principis lib. 1. c. 15.

Sancti zeli discretio, ardere debet in oleo misericordia.

dans

dans les conseils de sang & de vio-

lence que vous donnez?

Contentés-vous, Messieurs, que des écrits semblables aux vostres, nous ont déja rauy deux Roys, & que leur sang qui est encore Ezech. couuert, se verra peut estre auec 24. le temps, répandu sur vne pier-pidisimam re bien claire (comme dit l'Escri- petram efture Saincte) pour attirer la ven-non effudit geance du Ciel, sur les Pays où ces terram, ve possit operiri detestables attentats ont esté projet-puluere. tez. Néchauffez plus les esprits foi- lob 13. bles, & vous souuenez des instru- Deus indictions que le bon homme Iobvous mendacio. ut pro illo done. Dieu qui est la Verité n'a point loquamini besoin de vos menteries pour se dolos. Ipfe vos maintenir, & ne veut pas que pour arguet, quoniam in ab. luy, vous alleguiez des faussetés. Tout scondito sacië eius acmensonge qu'on dit de Dieu, est vne cipitis. espece d'idolatrie, dit Tertullien. Tert. in Apolo-Prenez garde que vous qui appellez getico.

Athées, ceux qui sont dans la solidité de la vraye croyance, ne soyez en effect des impies. Sa Saincteté qui a vn notable interest, à faire cesser le mal que vous entreprenez de pousser bien auant, en diuisant les Princes Catholiques, fera valoir les antiens Decrets de l'Eglise, qui excommunient tous les Autheurs des Libelles diffamatoires. Si le desordre que vous auez commencé continuë, le Sainct Pere retranchera de la Communion des fidelles, ceux qui se iettent dans cette licence effrenée, qui est capable de faire vn Schisme en l'Eglise. Les Generaux des Ordres, se porteront sans doute auec vigueur, à retenir ces esprits qui s'échappent. Ils sont assez cognus, mais quandils ne le seroient point par les hommes, il faut craindre la justice de Dieu, qui punit les communau-

tez pour les maux que les particuliers y ont commis; principalement s'ils ont abusé de son Sainct Nom, pour le faire seruir aux diffamacions, calomnies, violences, meurtres, guerrés ciuiles, & à tous les desordres qu'elles attirent, sur tout à diuiser les Catholiques entre-eux, & à partager leurs affections, apres que le Prophetea dit: Leur cœur est di-Osee 10. uisé, ils periront. C'est ce qui donne tous les iours vn tres-grand auantage à nos ennemis communs, & qui a fait dire à sainct Hilaire: Cepen-Hilar. in dant que nous sommes Anatheme Trin. les vns aux autres, personne de nous n'est à Iesus Christ. Ie confesse que ce railleur indiscret, auec son Catalogue des Liures, a irrité vos mauuaises humeurs: Mais vous auiez déja prouoqué les siennes. Il a eu tort d'offenser dans ses enigmes, quel-

I ii

ques Conseillers des Princes voisins, comme si les Ministres de nostre Estat, ne pouuoient estre vertueux si ceux d'Hespagne ou de Flandres n'estoient vicieux, (ce que nous ne croyons pas.) Nous recognoissons au contraire, & experimentons tous les iours, qu'ils servent prudemment & genereusement leurs Maistres. Souffrez aussi (s'il vous plaist) que les nostres seruent leur Roy auec fidelité & courage, puisque les vostres leur en donnent l'exemple. Mais ne leur prescriuez pas vos imaginations, pour regles de leur conduitte, & ne ramassez pas toutes les iniures des Comediens Grecs & Latins, s'ils ne se gouvernent pas selon vostre phantasie. Si vous continuez à le faire, vous affermirez dauantage leur resolution, de peur qu'ils ne semblent s'estrerelachez pourvos iniures. Vous

fairez cognoistre de plus en plus, les bonnes qualitez qui sont en eux. Tout ce que vous persuaderez aux hommes sages qui liront vos écrits, sera que vous estes des fols, que vous n'auez rien de Chrestien que le Baptesme, ny de Religieux que le Saluian. nom, qui est comme dit Saluian, de gub. vn témoignage de plus grande im- Reatus est pieté.

IN.

